

DE
IVRIS CONSVLTIS
SACERDOTIBVS IVSTITIAE

DISSERIT

V I R O
CONSVLTISSIMO ATQVE AMPLISSIMO
D O M I N O
IACOBO HENRICO BORNIO

A. M.

S V M M O S
IN VTROQUE IVRE HONORES
EX MERITO COLLATOS

GRATVLATVRVS

M. IOANNES IACOBVS BOSIVS
AD D. PETRI CATECHETA.

LIPSIÆ A. D. III. IDVS AVGVSTI A. R. G. MDCXXXVIII.

LITTERIS IO. CHRISTIANI LANGENHEMII.



THE NEW YORK PUBLIC LIBRARY

ASTEN LENOX TILDEN FOUNDATION

1911

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

100 N. 5TH ST. NEW YORK, N. Y.

CONSVLTISSIME ATQVE AMPLISSIME

Quam magna animi contentione hucusque expetii
occasione **TIBI, VIR CONSVLTISSI-**
ME, publice meam voluntatem et mentis obser-
uantiam declarandi, eam hodierno die uberrimam, **TE**
summis honoribus a Themide ornato, oblatam esse, etiam
atque etiam gaudeo uehementerque laetor. Etsi enim
TVAM singularem eruditionem cum insigni humanita-
te semper coniunctam, et a laudatis quoque uiris praedi-
catam, quae demum uera laus est, nullo non tempore
admiratus fui, tamen ardentissimis uotis optaui, illud
TIBI publice testari et uoluntatis in **TE** meae tesseram,
obseruantiae documentum exhibere. Diu quidem est, quod
hos honores, quos hodie sumis, promeritus fueris, iu-
ris prudentiae laude multis iam doctissimis scriptis **TIBI**
uindicata, sed hucusque ab iis studio abstinuisse uideris,
quo illi non **TE** ornarent, quod saepe contingere solet,
sed **TV** potius illis et ordini iuris consultorum insigne
decus conciliares atque ornamentum. Atque hoc ipsum
est, quod ego maxima afficio laetitia, quae me etiam coe-
git, ut **TIBI** in praesenti leui munusculo meam pieta-
tem exponerem et cogitationes de iuris consultis sacer-
dotibus iustitiae mei officii partes agere iuberem, certis-
sime persuasus, **TE** non tam munus, quam uoluntatem

IV

offerentis consideraturum esse. Equidem non sum nescius, curtam mihi esse supellectilem, nec aliquid perfectum ingenio a me posse proferri, quod solum TIBI sese probari solet, confido tamen, TE pro singulari TVA in me benevolentia aliquid daturum esse amicitiae et ubicunque forte a veritatis tramite recesserim, meos conatus in bonam esse interpretaturum partem. Accipe itaque haec serena fronte, quamvis non sint omnibus numeris perfecta, tanquam mentis piae testificationem, et laudes uelim uoluntatem etiam si uiribus destitutam. Ego uero TIBI, VIR CONSULTISSIME ATQUE AMPLISSIME, hos summos in iuris prudentia honores ex animo gratulor et ita gratulor, ut Deum immortalem etiam atque etiam orem, quo TIBI hos honores fortunatos esse iubeat, maioribus dignitatum accessionibus indies augeat, TEque sacerdotem iustitiae in splendidissimae familiae, quae sacerdotio iuris dudum fungitur, decus, in patriae et reipublicae emolumentum per multos annos superesse permittat. Quod uero reliquum est, illud a TE maiorem in modum contendo atque requiro, ut etiam in posterum mihi faueas, TIBIque persuadeas, me semper esse elaboraturum, quo TVA benevolentia non indignus uidear unquam fuisse. Vale. Dabam

Lipiae D. III. Iduum Augusti A. R. G.

clb lb cc xxxviii.

DE



DE
IVRIS CONSVLTIS
SACERDOTIBVS IVSTITIAE.

§. I.



ti humana omnia multis exposita sunt uicissitudinibus, ita et liberales artes istam inconstantiam saepe experiuntur, ut nunc habeant cultores plurimos, nunc contemptae iaceant atque neglectae. Neque enim ullo unquam tempore defuerunt male morati homines, nec unquam esse defuturos, auguramur, qui scientiis suum pretium non statuentes, quaecunque ipsis non placent, Theonino dente rodere et in optima quaeque suum uirus effundere consueuerunt. Non diuinarum, non humanarum scientiarum rationem habent, ridendo, calumniando, detrahendo suum tempus terunt, nec se inuenisse credunt, quod pueri in faba, si quid ipsis sese obtulerit, quod ansam praebet, uariis conuiciis illas artes proscindendi, quae aliis ornamento esse solent atque delectamento. Si nobis constitutum esset, spatia praeteritorum temporum respicere et ea recensere, quae olim ab eiusmodi maleuolis hominibus hac in re tentata fuerunt, facillimum nobis foret, de singulis artibus id exemplis confirmare. At quum in praesenti nobis sit animus

VI

Themidis cultores sigillatim considerare, iniustae illorum querelae nobis in mentem ueniunt, quibus huic scientiae maculam aspergere laborarunt. Antiquis iam temporibus alios atque alios deprehendimus, qui huius criminis rei censendi sunt, ex quibus solum in praesenti nominare sufficiat, AMMIANVM MARCELLINVM, qui iuris peritos et oratores acerbe insectatus est eosque grauiter perstrinxit. 1 Fuerunt sane nonnulli uetorum apud Romanos, qui causas agere et in iudiciis uersari uile et abiectum iudicarunt, et in dignitatum fastigio collocati eo se sponte abdicarunt. Cuius rei exemplum Hortensius praebere poterit, qui post consulatum, teste CICERONE, 2 summum illud suum studium remisit, quo a puero fuerat incensus, et PLINIVS 3 de se scribit, quum tribunus fuisset, causis agendis abstinuisse. Multos alios in praesenti tacemus, qui ex priscis de iuris prudentia et eius cultura iniqua attulerunt iudicia, quum eorum malus animus satis superque se prodaret et in compendio quasi apud HENR. CORN. AGRIPPAM 4 legi possint.

1 Lib. XXX. cap. 4. p. 64. sqq. edit. Iac. Gronou.

2 De claris oratoribus cap. 83.

3 Lib. I. ep. 23, 2. Egregie tamen hos locos Ciceronis et Plinii explicat et iuris consultorum partes masculae defendere annis est ANDR. TIRAQUELVVS de nobilitate et iure primogeniorum cap. 29. p. 217. sqq. edit. Basil. A. MDLXI. fol. ubi disquirat, An aduocati munus nobilitati obstat.

4 de incertis. et uanis. scient. cap. 93. et 95. Conf. de hoc libro et eius auctore IO. GEORG. SCHELHORNII Amoenit. Litter. Tom. II. obs. V. p. 513 et VII. p. 553.

§. II.

Quod si singulis scientiis suum decus honosque iure tribuendum est, haut male suum tempus collocasse censendi sunt, qui iuris prudentiae quoque suam laudem uindicare elaborarunt, praesertim quum per hanc doctrinam multum utilitatis ad genus humanum redundare nemo facile inficias iuerit. Bene itaque et sapienter maiores et in primis Romani instituerunt, ut summa dignitate atque auctoritate essent, qui Themidis castra sequebantur, et uel ius dicerent, uel leges interpretarentur, uel sententias legum proferrent, uel causas in iudicio agerent. 1 Leguntur propterea multorum elogia apud Romanos, quibus horum iuris consultorum societatem cumularunt, quo non solum eorum auctoritatem, uerum utilitatem quoque nobis satis superque confirmarent. Disertissimus

Romuli

Romuli nepotum, CICERO, satis grauitur pronunciat, sine dubio iuris consulti domum totius oraculum ciuitatis esse, 2 similitudine ab Apolline Pythio ducta. Nemini certe, qui uel Romanorum antiquitates primis, quod aiunt, labris degustauit, ignotum esse poterit, uariis nominibus, iisque splendidissimis, olim iuris consultos honestatos fuisse, quae dignitatem atque splendorem eorum satis loquuntur. Viri summi, 3 amplissimi 4 et eruditissimi 5 ab eodem oratore, cuius modo mentionem fecimus, appellatur, IUSTINIANO 6 Magnifici et Illustres audiunt, apud LAMPRIDIVM 7 peritissimi, doctissimi et splendidissimi, VALERIO MAXIMO 8 Clarissimi uocantur. Neque obscurum est, iuris consultos, qui in aulis Imperatorum uersabantur, olim Excellentissimos, Illustres, Magnificos, Amplissimos compellatos fuisse, quamuis tempore sequenti haec nomina aliis, minoris etiam dignitatis hominibus, collata fuerint, quae nostrum in praesenti non est, ut multis auctorum testimoniis confirmemus. 9

1 uid. de dignitate et auctoritate iuris consultorum apud Romanos Illustr. 10. GOTTL. HEINECCIUS in *Antiq. Rom. Lib. I. Tit. II. §. 37. sqq. p. 65. sqq.*

2 de *Orat. Lib. I. c. 45.* ad quem locum omnino confer STREBAEVM p. 329. Vol. II. Verburg.

3 de *legibus Lib. I. c. 4.*

4 de *orat. Lib. I. c. 45.*

5 *cit. loc. cap. 39.*

6 *Prooem. Instit. §. 3.*

7 in *Alexand. Seueri cap. 68. et ibid. cap. 15.*

8 *Lib. VIII. cap. 12.*

9 Conferre tamen potest, cui uolupte est, Ill. 10. PETR. DE LVDEWIG *notam Insiniani M. cap. VIII. p. 181.* Et GOTTF. LEONH. DAVIDS in *diff. de titulis uiri illustris, spectabilis, Clarissimi, Magnifici, Excellentissimi et Amplissimi, olim aulicis nunc etiam scholasticis.* Lips. 1706. habita.

§. III.

Nulla uero inter omnes compellationes iuris consultorum nobis maioris momenti et illustrior esse uideretur, quam illa, de qua in praesenti pauca meditari est animus, quando *sacerdotes iustitiae* uocantur. Auctor huius nominis DOMITIANVS VLPIANVS est, iuris consultus tempore Alexandri Seueri celeberrimus, ab ipso Imperatore Iustiniano uir summi ingenii appellatus. 1 ANGELVS uero POLITIANVS 2 de eo memo-

memorat, ducentis et viginti duobus libris de iure Romano Romanisque magistratibus Vlpianum inclaruisse. Digna uero sunt Vlpiani uerba, quae apponantur, in quibus hoc nomine iustitiae cultores ornat. Ita uero, quum antea ius a iustitia appellatum esse dixisset, pergit, *3 Cuius merito quis nos Sacerdotes appellet. Iustitiam namque colimus et boni et aequi notitiam profitemur, aequum ab iniquo separantes, licitum ab illicito discernentes, bonos non solum metu poenarum, uerum etiam praemiorum quoque exhortatione efficere cupientes.* Quum nuper in hoc elogiū inciderem Vlpiani atque in causas inquirerem, cur hac appellatione ornarentur iuris cultores, simulque animaduertērem, multos etiam iuris consultorum de hoc nomine uel plane tacuisse, uel non satis curate rationes eius euoluissē, me facturum operae pretium existimaui, si nonnulla de hac ipsa re meditarer.

1 *Leg. un. §. p. C. de caducis tollendis.*

2 *Lib. IV. ep. p.*

3 *L. I. §. I. D. de Iust. et Iur.*

§. III.

Considerantibus itaque nobis aliqua cum cura iuris consultorum nomen, quo sacerdotes iustitiae appellantur, illud nobis partim honoris et dignitatis, partim officii esse uideretur. Hoc enim agere uult VLPIANVS, ut initio demonstret, iuris cultores adeo a ceteris disserre et super alios eminere, ut singulari dignitatis atque honoris cultu sint suspiciendi, simulque uero eos monere uoluit, ut probe considerent, quam sanctum et uenerabile munus gerant, id quod ex illis potissimum patet, quae in uerbis adductis sequuntur. Quod si hoc nomen initio dignitatem iuris consultorum sistit, illorumque reuerentiam singulis commendare cupit, statim quaeritur, quo potissimum respexerit iuris consultus celeberrimus. Sacerdotis enim nomen sibi suisque non sine ratione uindicauit, quod omnes farentur. Negare itaque non possumus, hoc nomine simul ad dignitatem et auctoritatem sacerdotum antiquis temporibus digitum intendere uirum clarissimum. Ex antiquitate propterea haec denominatio paucis repetenda erit, ex auctoritate et dignitate sacerdotum prisca temporis, cum iuris consultorum honore conferenda. Nolumus tamen hoc in loco ad istum ritum sacerdotum recurrere Romanorum, quo Flamines

mines in primis Deae Iustitiae in Capitolio temploque eidem dicato illo tempore sacrificare debebant, quando Romanis in bellum erat eundum, quia hi iusta mouere arma, ceterae uero nationes odio et maleuolentia tela in Romanos capere praesumerentur, nec ex sacris Deae Astracae deriuare, quod utrumque fecisse deprehendimus Conf. 10. KLEINIVM 1 aliosque, qui in eandem sententiam propendunt, ex quibus in primis nominare liceat CAR. SELVAGHIUM, 2 Themidis apud Graecos cultores et Sacerdotum uaria genera, quibus iustitiam; Dei filiam, colere, maxime erat concreditum, ad nostrum locum producentem. At haec propterea forte multis non placebunt, quod hac ratione cum popis istis gentilium et superstitionum cultoribus iuris periti componantur atque illis sacerdotibus iustitiae annumerentur. Si quid nostri est iudicii, hoc in loco illud generatim tantum est considerandum, quod auctoritatem et dignitatem sacerdotibus apud omnes gentes conciliabat atque illos in summo honoris fastigio collocabat.

1 in Diff. de officio Iuriconsf. sacerdotali, Praefide Georg. Radouio Gustrau. 1705. habita, et in eius dissert. iurid. quae iunctim prodierunt Francof. et Lipsiae 1716. 4. recusa, §. III. et IV. p. 76.

2 de origine, ethymo et praeslantia Pandectarum p. 19. Tom. I. EVERHARD OTTONIS Thesaur. Iur. Rom.

§. V.

Magis itaque nostro instituto inseruire posse confidimus, si illud in mentem nobis reuocauerimus, quod olim non solum summo honore habiti sint sacerdotes et singularem auctoritatem fuerint consecuti, uerum etiam sacerdotum et regia dignitas, cui legum et iuris prudentiae cura potissimum concredita est, antiquis temporibus saepe fuerint coniuncta. Pleni enim sunt annales, plena historiarum monumenta, quae scribunt et asserunt, antiquis temporibus non tantum reges saepe sacra administrasse, sed etiam sacerdotes, quos alio nomine non male TACITVS 1 sacricolas uocat, saepe leges tractasse et iurium causas curasse. Nemini forte dubium erit, apud Ebraeos hoc saepe in usu fuisse, quum praeter alios scriptores etiam idem nobis confirmet sacrae paginae, testimonium perhibentes omni exceptione maius. 2 Inde enim cognoscimus, patriarchas et sacris religionis et gubernationi rei publicae praefuisse, siquidem regia

quoque erant dignitate, quamvis carebant nomine. Tacemus alios, in quibus utrumque munus uel ex necessitate uel ex diuino mandato coniunctum deprehendere licet. De aliis uero gentibus, apud quas utrumque officium iungebatur, satis luculenta prostant documenta, quae huius rei euincunt ueritatem. Sacerdotii non solum apud Graecos tanta fuit exilimatio, ὥς ἐναχῆ τῆς Ἑλλάδος ἀντίβροπον εἶναι τὸ τῆς ἱερασύνης ἀξίωμα πρὸς τὸ τῆς βασιλείας, ut aliquibus Graeciae in locis sacerdotii dignitas aequalis haberetur regiae, quemadmodum PLVTARCHVS 3 testatur, sed etiam sigillatim de Aegyptiis relatum legimus, reges ipsorum sacerdotes fuisse et gubernacula rei publicae tenuisse. Fatetur illud satis clare de iisdem AELIANVS, 4 quando, Δικασαί, inquit, τὸ ἀρχαῖον παρ' Ἀγυπτίους εἰ ἱερεῖς ἦσαν. Huius δὲ τέτων ἀρχῶν ὁ πρεσβύτατος, καὶ εἰδικαζεν ἅπαντας, Iudices apud Aegyptios primo tempore fuerunt ipsi sacerdotes. Illorum autem princeps erat maximus natu et iudicabat omnes. Reges postera aetate eorum ex sacerdotibus creati sunt et summa rerum potestas illis concredita fuit, quod memoriae prodidit PLVTARCHVS 5, simulque addit, si forte quis ex sacerdotibus non fuerit, electus rex, se tamen illum statim dedisse sacerdotibus et philosophiam addidicisse. Non uero hoc tantum Aegyptiis, sed etiam aliis gentibus in more fuisse positum, omni caret dubio, quod uariis ueterum documentis probare possemus, si in praesenti nostri instituti hoc permitteret ratio. Vnum tamen audire licebit PLATONEM, qui et de Aegyptiis et Atheniensibus hoc confirmat. Περὶ μὲν Ἀγυπτίων, inquit, ὁ δὲ ἐξ ἐστὶ βασιλεία χωρὶς ἱερατικῆς ἀρχῆς· ἀλλ' εἶναι ἀρα καὶ τύχη πρότερον ἐξ ἄλλης γένεος βίασάμενος, ὑψέρον ἀναγκάσιον εἰς τὸ τοῦτο ἐστέλεισθαι τὸ γένος. Εἰ δὲ καὶ τῶν Ἑλλήνων πολλὰ καὶ ταῖς μεγίσταις ἀρχαῖς τὰ μέγιστα τῶν περὶ τὰ ταῦντα θύματα εὖρεται τις ἂν πρεσβυτάτομενα θύειν. Καὶ ὅτι καὶ παρ' ὑμῖν ἔχῃ κίσα ὅλον ὁ λόγος. τῷ γὰρ λαχόντι βασιλεῖ Φασὶ τῆδε τὰ σεμνέτητα καὶ μάλιστα πάτρια τῶν ἀρχαίων θυσιῶν ἀποδεδοῦσθαι. Apud Aegyptios non licet regem absque sacerdotio imperare. Quin immo si ex alio genere quispiam ui regnum usurpet, cogitur post regni assumptionem sacris initiari, ut sit sacerdos. Praeterea in plurimis Graeciae ciuitatibus, apud nos praesertim, Atheniensibus, reperies, praecipua sacra summis mandari magistratibus. Nam qui Regis munus obtinuit, ei sacrorum antiquissimorum augustissima et maxime patria esse ferunt attributa. 6 De Lacedaemoniorum institutis idem accepimus, regem ipsorum et politicae atque rei publicae habuisse curam.

et

et rerum sacrarum quoque procurrationem, ut adeo de hoc rege scribere potuisset XENOPHON, ὃν ἄλλο ἔργον καταλείπεται βασιλεῖ ἐπὶ Φρυγῆας, ἢ ἱερῶν μὲν τὰ πρὸς τοὺς θεοὺς εἶναι, στρατηγῶν δὲ τὰ πρὸς τοὺς ἀνθρώπους. regi in exercitu nihil aliud negotium restat, quam ut rerum diuinarum respectu sit sacerdos, humanarum uero imperator. Tandem uero Romanorum ueterum non tacenda est huius rei consuetudo, quibus erat in more positum, ut et reges sacerdotalem dignitatem gererent et sacerdotes legum et statutorum imperii curam haberent. Omnibus nota sunt in hanc sententiam VIRGILII uerba, canentis,

Rex Anius, rex idem hominum Phoebique sacerdos 8.

ad quem locum bene SERVIVS annotat, Maiorum enim haec erat consuetudo, ut rex esset etiam sacerdos et pontifex. Numa exemplum apud LIVIUM 9 legitur, qui non solum multas leges Romanis scripsit, diuina id fieri auctoritate simulans, sed etiam ipse plurima sacra obibat. Orpheus, qui Thracibus leges condidisse scribitur, etiam sacerdos uocatur, non quod sacerdotio aliquo functus fuerat, sed quoniam sacerdotem iustitiae se esse contenderat et institutorum suorum originem ad Deos referebat 10. Multi praeterea Romanorum Imperatorum in scenam produci possent, qui simul sacerdotalem dignitatem et nomen Pontificis Maximi gesserunt atque retinuerunt. Augustus enim Caesar deuicto atque suppresso Lepido pontificatum inuadere in animum induxit et eo defuncto se Pontificem Maximum appellari uoluit, quod nomen multi post eum Imperatores gesserunt, etiam Imperatores Christiani, quanquam sacra gentilium abominarentur, non prorsus deposuerunt. Facile ex his itaque intelligitur, ex qua ratione Imperatoribus nomen ἀρχιεπισκόπου fuerit tributum, quod eorum dignitatem etiam atque etiam confirmare uideatur, quo honoris titulo etiam Traianum honoratum fuisse deprehendimus apud GRVTERVM 12 ubi hanc inscriptionem exhibet,

ΑΥΤΟΚΡΑΤΟΡΙ ΚΑΙ ΚΑΡΑΙ.
ΘΕΟΥ. ΝΕΡΒΑ. ΤΙΩ. ΝΕΡΟΥ.
Α. ΤΡΑΙΑΝΩ. ΣΕΒΑΣΤΩ.
ΑΡΧΙΕΠΙΣΚΟΠΟΥ ΜΕΓΙΣΤΩ.

Singula haec pluribus euincere et per partes probare nobis in praesenti non est constitutum, illud nobis sufficiat, ex haecenus disputatis satis superque patere, apud Romanos quoque Imperatoribus et rei publicae curae

motis sacrorum gubernationem saepe etiam fuisse demandatam. Illud adhuc debet paucis ostendi, sacerdotibus quoque legum atque iustitiae procuracionem olim saepius concreditam fuisse. Neminem consilimus in antiquitatibus mediocriter versatum Romanorum, qui ignoret sacerdotum atque pontificum priscis temporibus auctoritatem et potentiam etiam in rebus ciuilibus. Non enim insignis tantum apud omnes illorum erat dignitas atque reuerentia, ut omnes etiam illos cultu maximo uenerarentur, uerum etiam leges praescribebant populo et quid fieri debebat indicabant, inde LIVIVS 13 quoque ciuile ius repositum fuisse tradit in penetralibus pontificum. Praeterea etiam bellum indicabant, quod feciales sigillatim secisso constat, foederi praecerant atque prospicere saepe debebant, ne quid res publica detrimenti caperet, dies nefastos atque fastos indicabant, id quod ipse Numa instituerat, 14 quae omnia illis auctoritatem non uulgarem, honorem insignem conciliare poterant. Sed quorsum haec disputo? ut ex his intelligatur, antiquis temporibus sacrarum et ciuilium rerum curam saepe uni fuisse demandatam, quod CICERONE 15 iudice propterea factam, ut amplissimi et clarissimi ciues rem publicam bene gerendo, pontifices religionem sapienter administrando, rempublicam conseruarent. Quando itaque quaerentibus rationem reddere debemus, cur iuris consulti sacerdotes iustitiae fuerint appellati, non plane nos erraturos esse confidimus, si dixerimus, hoc nomen dignitatis esse titulum, et inde patere, quod illis cura etiam sacrorum, quo rite et in honorem summi numinis fiant, sit concredita, illamque dextre cum legum ciuilium tractatione esse coniungendam. Ipse VLPIANVS me hac in re confirmat, eo potissimum se spectare, quum hoc ipso in loco paullo post nostra §. III. adducta uerba ius in publicum et priuatum dispescat, publicumque in sacris uersari asserat. Neque tamen alios hac in re mihi contradicentes deprehendo iuris consultos, ad eandem originem huius nominis rationem referentes, ex quibus in praesenti nominatim proferre liceat IO. VOETIVM, 16 CHRIST. WILDVOGELIVM 17 et GVIL. BVDAEVM, 18 ut reliquos taceamus.

1 Hist. Lib. III, cap. 74.

2 Conf. SELDENVM Lib. I. de successione in Pontif. cap. 10. p. 180. sq. ubi etiam de potestate pontificis in rebus ciuilibus disserit, et adde eiusdem lib. II. de Synedriis cap. 10.

3 in quaest. Rom. p. 291, Tom. II. Opp.

- 4 Var. Hist. Lib. XIII. cap. 34. et adde animaduers. PERIZONI p. 977. edit. Gronou.
- 5 de Ifide et Ofride p. 354.
- 6 in Politico p. 183. edit. Lugd. 1590. fol.
- 7 de Lacedaem. re pub. p. 689. edit. Leuncl. Conf. TIRAQUELLVS cit. loca cap. 20. p. 136.
- 8 Aeneid. Lib. III, 80.
- 9 Lib. I, c. 20.
- 10 Vide de hac Orphei denominatione VIRGILIUM Aeneid. Lib. VI, 645. et add. Conf. STEGERVS in progr. de nomine aduocatorum honorificentissimo, Cap. II. §. 2. p. 20. ubi non solum de hac denominatione iuris consultorum nonnulla habet, sed etiam Orphei compellationem optime exponit.
- 11 De omnibus his sollicite egit IO. ANDR. BOSIVS in exercit. de pontificatu maximo imperatorum Romanorum, maxime cap. 2. et 3. ubi simul cap. 6. contra Io. Pacidium, uel, qui sub hoc nomine latet, Iac. Goshofredum, disputat et argumentis uariis demonstrat titulum Pontificis Maximi etiam gessisse Imperatores Christianos.
- 12 in inscript. p. 1084. n. 11.
- 13 Lib. IX. cap. 46.
- 14 LIVIVS lib. I, 20. add. CICERO de legibus Lib. II. cap. 12.
- 15 pro Aquo sua ad Pontif. cap. 1.
- 16 in Commentar. ad Pandectas Tom. I: p. 4.
- 17 in electis iuris tam civil. quam Canon. et Saxon. Mantiff. II. de Sacerdotio iuris. p. 144.
- 18 annot. ad Pandect. p. 8. et 9.

§. VI.

Non parum ad huius rei explanationem profuturum esse arbitror, si paucis etiam illud consideremus, quod hoc in loco sacrum et deinde ab hoc sacerdos sit appellatum. Nolumus illud monere, quod sacer nonnunquam idem ac nefandum et nihil minus quam sacrum apud auctores notet, illud tantum in censum in praesenti uenire debet, quod sacer sit, Deo dicatum atque consecratum, sacerdos, qui sacra facit et sacrorum habet curam. Reges atque principes Dei imaginem his in terris referre eiusque iussa exsequi, nemo est, qui uel ipso Deo et scriptura docente, illud in dubium uocare poterit. Quae quum ita sint, non adeo absurdam est, si ea, quae ad principes et magistratus pertinent, sacra uelles uocare. Neque hoc ut sine ratione asserere uideamur, non destituimur ueterum de hac re testimoniis, siquidem SVETONIUS I nobis reliquit,

Imperatoris Tiberii occupationes sacras fuisse appellatas, quod quidem dum Tiberius fieri noluit, sed nouimus tamen postera aetate omnia ferre, quae ad imperatores pertinebant, sacra fuisse uocata. Aula principis sacrarium audit, et sacrum latus, sacrum uultus, de eo dicebatur. 2 Hoc sensu aliqua ex parte explicare poterimus, quid sacrae leges et sacrae constitutiones sint, nempe eae, quae ab Imperatore profectae sunt, quamuis et hoc in loco facile concedamus leges propterea sacras dici, quia uiolari et reiici non debent, quod alii malunt. 3 Quae si attente consideramus, facile inde intelligemus, legum peritos etiam propterea appellari posse sacerdotes, quia non modo principis sunt ministri, cuius nomen sanctum esse debet, nec ab ullo uiolari, uerum etiam, quoniam sacras res tractant, leges custodiunt atque explicant, decus quoque ac principis honorem curant et iustitiae operam nauant, quae omnium consensu res sanctissima 4 est.

1 in *Tiberio* cap. 27. add. TORRENTIVS ad b. l. p. 320. Graeu.

2 uid. GEVARTIVS ad *Stat. Sylu. Lib. III. §6.* et BARTHIVS ad *Claudianum* p. 596.

3 Conf. Iurisconsulti supra nominati, in primis SELVAGHIUS apud *Ottoneum* et add. CALVINI *Lex. Iur. V. Sacerdos.*

4 L. I. §. 5. D. de *extraord. Cogn. Est res sanctissima civilis sapientia.*

§. VII.

Quemadmodum uero haec omnia satis superque dignitatem et auctoritatem horum sacerdotum Themidis describunt atque demonstrant, ita etiam eadem appellatio officium illorum exprimit studiumque commendat. Vlpianus ipse hoc luculenter declarat, additque multis uerbis, quid hoc sacerdotium a iuris consultis requirat. Atque in hac explanatione omnes, quos consulimus, operam suam collocarunt, probantes in eo sacerdotium horum uirorum positum esse, ut iustitiam colerent et quicquid hoc in loco requiritur, summo studio et labore susciperent. Digna in primis nobis uisa sunt uerba IO. KLEINI, hoc officium iuris consultorum prae aliis summa diligentia describentia, quae hoc in loco apponantur. Postquam enim illa, quae supra adduximus proposuisset, addit, *Si haec cui non satisfacerent, sed gentilissimum et antiquas de Romanorum Deorum Sacerdotibus fabulas sapere uideantur, quorum ueligia in augusto iuris corpore noluit superesse Iustinianus §. 3. prooem. Instit. ex altioris philosophiae principiis dum respondendum. Quod Icri Iustitiae uir-*
tutum

*entum omnium principi et Reginae mancipati eamque non verbis et ore sal-
tim, sed factis potius ipsis, ubicunque commoda sese obtulerit occasio, nulla
habita, siue personae, siue praemii, aut emergentis cuiusque etiam grauissimi
damni, multo uero minus status ratione, non minus fortiter quam constanter
proficientes, neque ut a tramite recti ulla ratione dimoueantur, patientes,
iuxta Christianismi quoque regulas SS. iustitiae cultores et sacerdotes
rectissime dici possint.* Egregie sane haec omnia officium horum sa-
cerdotum describunt illosque de suo graui munere monent, ipse, tamen
VLPIANVS in specie omnia profert atque cum cura inculcat. Diuer-
sam quidem horum sacerdotum esse rationem ab aliis in antiquitate sa-
cerdotibus, recte obseruat WILDVOGELIVS, 2 tamen simul negare non
potest, aliqua ex ratione cum illis hos componi posse. Requirebatur
merito in illis sacerdotibus dexteritas, et, ut illa notitia essent instructi,
quae ad munus sacrum obeundum erat necessaria. Ebraeorum sacerdo-
tes quanta exploratione et perfectione 3, opus habuerint, inter illos con-
stat, qui illas antiquitates diligenter tractare solent. Romanorum alia-
rumque gentium sacerdotes etiam illa scientia debebant esse instructi,
quae in sancto munere utramque facere solet paginam, inde non quilibet ad
hoc munus admittebatur. Apud Athenienses certe reges et sacerdotes
examinabantur, *ei ἀφελῆς καὶ ὀλέκτροι, num corpore essent sano atque
intero.* 4 Ita etiam sacerdotibus iustitiae conuenit, ut iis sint instructi
artibus, quae ad culturam iustitiae requiritur, quo illa, quae recta atque
iniusta, perspiciant, suoque officio faciant satis.

1 in diss. de officio Iuris conf. sacerdotali §. V. p. 77.

2 diss. loc. p. 145. sq.

3 Multa erant, quibus omnibus carere debebat minister sacrorum apud hanc
gentem. Qui haec in compendio cupit legere adeat ABEL ADAM HÖT-
TINGER *integritatem sacerdotum Aaronicorum ac mysterium*, prodiit Fran-
cof. ad Moen. 1735. 8.

4 ita *Auctor Etymol. M.* u. ἀφελῆς. Add. PLATO de leg. Lib. VI. p. 616.

§. VIII.

Non uero solum sufficit, ut notitiam legum et earum causarum habeat
perspectam eiusmodi sacerdos, sed praeterea quoque dextra applicatio ear-
um requiritur. Huc spectare mentem VLPIANI clarissimum est, quando
scribit, *et boni et aequi notitiam profitemur*, statim uero usum huius noti-
tiae

XVI

tiae clarissimum addit, *aequum ab iniquo separantes, licitum ab illicito discernentes.* CAR. SELVAGHIUS 1 in eo, quando dicitur, Iuris consultos aequum ab iniquo separare, licitum ab illicito, Iuris prudentiam medicinae comparari, credit, uti enim Medicina tum salubrium quam insalubrium aphorismos colligit, ut a singulorum cognitione facilius uidentur aduersa, ita ius aequi et iniqui fontes ostendere, quo licitum ab illicito, iustum ab iniquo Iuris consultus probe disparare sciat, quod, quo iure ab illo factum fuerit, aliis diiudicandum relinquimus, quibus haec sacra curae cordique sunt. Quod ultimo loco occurrit maxime munus horum sacerdotum describere uidetur, in eo enim illi laborare dicuntur, ut ciues efficiantur boni, non poenarum saltem metu, uerum etiam praemiorum adhortatione. Si poenis et formidine iustitiae tantum coguntur homines ad omittenda mala, ex his non uera surgit uirtus, sed quasi coguntur ad ea fugienda, quae alias suscipere et peragere libentissime uellent. At praeclari conatus omnino sunt Iuris prudentiae doctorum, quod in eo studium, operam, curam denique omnem ponant, ut probitatem mentibus hominum instillent, ciues bonos reddant et integros scelerisque puros esse contendat, quicumque sese ipsorum disciplinae committunt. Haec omnia, si rite Iuris prudentiae cultor obseruat, iustitiaeque regulas omni in loco tenet, omnino sacerdos eiusdem suo iure appellari meretur, praesertim quum illius sacerdotis iustitiae, Papiniani, exemplum semper in mente et animo habeat, qui Iuris asyllum et doctrinae legalis thesaurus AELIO SPARTIANO 2 uocatur, et propterea maximis ornatur laudibus, quod uitam amittere maluerit, quam contra leges imperatoris parricidium excusare.

1 cit. loco in *Ottonis Thes. p. 19. Tom. I.*

2 in *Seuero Imper. cap. 21. p. 635. et Ant. Carall. cap. 8. p. 721. sq.*

